



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus X. De Denuntiationibus.

[urn:nbn:de:hbz:466:1-73064](#)

in secundo. Nam in hoc opponi potest exceptio à quolibet in quantum suā interest, se ut particularem tangi, ut patet ex casu hujus c. ubi Abbas exceptit contra Cardinalem, quod ejus inquisitio specialiter tangebat Abbatem, sic Innocent. in cit. c. n. 2.

§. 13.

Qualiter puniendum sit crimen, per viam inquisitionis probatum?

206 **Q**uestio est, qualiter puniri debeat crimen, viā inquisitionis deprehensum, & probatum, si sit tale, propter quod quis deponeretur, si de illo criminaliter fuisset accusatus & convictus? ante resolut. nota, distinguendum esse inter *crimina depositione digna*; nam quādam, etiam post peractam pœnitentiam, impediunt executionem ordinis, & retentionem beneficii; quādam quā non impediunt, licet æquè, ac illa sint depositione digna. *Prioris exempla sunt*: homicidium voluntarium, & injustum; beneficii acquisitione simoniaca &c. *posterioris autem*, adulterium, furtum, perjurium, falsum testimonium; nam hæc post peractam pœnitentiam, si notoria non sint, nec in judicio probata per testes, non impediunt usum ordinis suscepiti, aut alterius susceptionem; quibus positis:

207 *R.* et si in casu proposito par poena, *secundum jus civile*, infligatur; de jure tamen Canonico, *quoad impositionem pœnae*, solum idem observari, quod in casu factæ ac probata accusationis criminalis, quando delictum est tale, ut etiam peracta pœnitentia impedit usum ordinis, vel beneficii retentionem; sic Alexander III. in c. *Inquisitionis*. 21. h. t. ibi: *quo casu* (nimurum si crimeh sit tale) *erit, secut in accusationis iudicio, procedendum*. Si autem sit crimen depositione quidem dignum, sed non impediens, etiam post pœnitentiam peractam, usum ordinis suscepiti, vel beneficii retentionem, arbitrio, & discretioni Judicis poena relinquitur, ut eam, secundum merita, & qualitatem excessus, moderetur, ut in terminis loquitur textus. Unde non recte concludit Gonzalez in cit. c. *Inquisitionis* n. 6. dicens: crimen probatum per inquisitionem, regulariter, *pœna ordinaria* puniri, nisi impedit ordinis executionem; nam textus alatus id relinquit moderationi judicantis; & ideo Barbosa in cit. idem. c. n. 1. & 4. contrarium tenet, ut & Pirhing h. t. n. 8. di-

cens: regulariter, esse poenam arbitriam, & ordinaria mitiorem.

ARTICULUS X.

De Denuntiationibus.

Hoc articulo agendum erit de tertia par. 208 te Rubricæ hujus tituli, nimurum de denuntiationibus. *Denuntiatio*, in genere, est alicuius criminis apud superiorem legitime facta delatio, vel manifestatio; ita Sylvester V. *Denuntiatio* n. 1. Hæc triplex est, *Charitativa, Canonica, judicialis*. Alii tamen dicunt denuntiationem esse solum duplē, *charitativam*, seu penitentiale, quā crimen deferrur ad Prælatum, ut Patrem, & tanquam singularem personam, ut in secreto corrigat; ac *judiciale*, quā crimen deferrur ad superiorem, tanquam personam publicam, sive Judicem. Illa tendit *ad privatam emendationem*; ista, *ad vindictam publicam*, seu punitionem criminis, quo communitas læsa est, veletiam alius privatus, cui pro injuria, vel reali, vel personali satisfaciendum est. Et quia etiam secundum præscriptum Sacrorum Canonum denuntiatio fieri potest vel charitatè, vel judicialiter, ideo *denuntiatio canonica*, cum utraque coincidit.

Denuntiatio charitativa alia est *Evan-* 209 *gelica*; alia *Canonica*, in quantum directè tendit bonum delati; alia *Regularis*. *Evangeliaca* est alicuius criminis apud superiorem delatio, facta secundum legem Evangelicam; cujus finis est pœnitentia, & correccio peccatoris; & in ea hic ordo servatur, ut delinquens primum privatim (*intra te, & ipsum*) corripiatur, seu moneatur etiam saepius; secundò, si se non emendet, monatur coram uno, vel altero teste; tertio, si adhuc maneat contumax, denuntietur Ecclesiæ, seu Judici Ecclesiastico; sed semper, binâ cæ monitione prævia c. *si peccaverint*. 2. q. 1.

Denuntiatio Canonica dicitur, cùm de- 210 latio criminis fit, prout à sacris canonibus præscribitur; fit vel *generaliter*, & publicè, & ex hoc fine, ut non committatur delictum v. g. *ne indignus eligatur*, vel *instituatur*; aut si commissum, *ne continuetur*, v. g. ne qui cum impedimento dirimente contraxerunt matrimonium, in eo perseverent; vel *specialiter*, seu privatim, quæ sit per eum, cuius interest, habere bonum Prælatum, seu administratorem, aut subditum; ut si post

post binam monitionem, non sit corrigibilis ab officio & beneficio removetur. Hujus fit mentio c. 1. de offic. Custod. ibi: *si autem indomitus permanferit, Archidiaconus, Episcopo denuntiando, provideat, ut indecente ejecto aptus domo Dei constituantur Minister, &c. Licet, 3. 1. de Simon.* Et hæc delatio, si fiat causamendandi proximum, ad charitativam pertinet; si causam puniendi delatum, ad judiciale.

211 Regularis denique denuntiatio dicitur, quæ fit secundum varias constitutiones Religiosorum, & in ea proceditur simpliciter, ac de plano, nec contra eam appellari potest c. *Ad nostram.* 3. sed de hac in praesens ex professo non agimus; sicut nec de charitativa, quam tractant morales Theologii in præceptis secunda tabula. Pauca tantum subjugimus: his præmissis:

212 Quæres 1. An denuntiatio charitativa sit sub præcepto? Affirmativam communiter sequuntur Doctores ex illo Christi, si peccaverit in te frater tuus &c. ibi: *sit enim audierit, dic Ecclesia.* Hoc præceptum tantummodo esse affirmativum docet Escob. Theol. mor. l. 49. c. 17. n. 295. ac proinde non obligare, nisi in certis circumstantiis. Haec autem potissimum istæ sunt. 1. ut proximus sit in gravi necessitate spirituali. 2. ut ei possimus subvenire absque gravi nostro, nostrorumque incommodo 3. ut speretur fructus. 4. ut hanc denuntiationem exigat necessitas proximi, aliter non juvandi minori damno famæ.

213 Quæres 2. an ex præcepto, denuntiationem charitativam, præcedere debet correctio fraternalis? Ante resolutionem notandum *correctionem* proximi, duplicum esse, *fraternam*, & *juridicam*: hæc non potest fieri, nisi à superiori potestatem jurisdictionis habente; illa fieri potest à Patre in filium, à Superiori in subditum, & contra. *Judicialis* spectat commune bonum, & eorum, qui per alterius peccatum scandalizantur; *fraterna* verò, per se spectat bonum proximi, de hac in præsenti agemus; canique præceptam esse patet ex Ecclesiast. 19. *corripe amicum, corripe fratrem;* & expressè in c. tam sacerdotes. 24. q. 3. Ordinem fraternalis correctionis ita prôponit Christus Matth. 19. *si peccaverit in te (id est te scientie) frater tuus, corripe eum inter te, & ipsum solum.* Quod si te non audierit, induces testes, unum, vel duos, si illos non audierit, dices Ecclesia; si Ecclesiam non audierit, sis tibi sicut Ezechias

& publicanus. Ex quo vides hunc ordinem charitatis in corrigendo proximum constitui. 1. ut peccantem admonetas secretò; deinde, si secreta correctio non proficit, testes adhibeas, unum, vel duos. 3. quod si non audierit, dicas Ecclesiæ; his præmissis:

Quæstio est, an hic ordo servandus sit **214** ex præcepto, consequenter denuntiationi charitativæ locus nonsit, correctione illâ non præmissâ? Hanc correctionem non esse de præcepto plures docent apud Escobar. Theol. mor. l. 49. c. 17. D. 52. n. 328. quia præcepta Christi non videntur generalia, sed sunt tantum de injuria corrigenti facta, in qua secreta correctio vix videtur habere locum, quin illâ omisâ possit procedere ad denuntiationem. Sed

R. 1. servandam sub præcepto naturali, 215 & divino seclusâ cessione juris famæ. Ipsa enim natura dicitur corrigendum esse proximum cum minori damno famæ, & honoris, quo potest. Unde si absque testium inductione corrigi valeat, ipsa natura dicitur, ut sic correctio fiat: & si unicus testis sufficit, cur duo sunt adducendi? Et sic definitum videtur ab Innocent. III. in c. *novit.* 13. de Jud. ubi Pontifex, postquam referit, Regem Angliae contra Regem Franciæ processisse secundum regulam Evangelicam, ac tandem, cùm nihil proficerit, dixisse Ecclesiæ, subjugit: *quomodo nos, qui sumus ad regimen universalis Ecclesia supernâ dispositione vocati, mandatum divinum non possumus exaudire? ut non procedamus secundum formam ipsius;* nisi forsitan ipse coram nobis, vel legato nostro, sufficientem in contrarium rationem ostendat. c. *Cum ex injuncto 12. de hæret. & Alex. III. c. Licet Heli de Simonia.*

*R. 2. quod per illa verba Christinon 216 inducatur *novum præceptum*, quod ex ipsa naturæ lege non oriatur; illud ipsum tamen præceptum naturæ, obscurius traditum, clarius explicetur à Christo. sic Escobar. n. 329. Ex nullo enim capite ostendi potest, *speciali præcepto*, Christum id voluisse imponere, ut clarius constabit ex sequentibus. Ex hoc etiam patet ad rationem contrariam. Primo enim negatur, præcepta Christi non esse *generalia*, ut patet in iis, quæ propriè illius sunt: ut *dilegit inimicos vestros; benefacite his, qui oderunt vos.* Deinde dato, quod id procederet de præceptis Christi, quæ non sunt mera explicatio jam præceptorum jure naturali; secus tamen est, de oppo-*

oppositis, ut patet in eo quod habetur Matth. 18. ubi dicitur: *quaecunque fieri nobis volumus, alteri faciamus;* hoc enim est præceptum juris naturalis, & citato loco à Christo *universaliter* traditum.

²¹⁷ Denique ex hoc, quod Matth. 19. (ubi præcipitur denuntiatio facienda Ecclesiæ, si proximus illam privatam correctionem non audierit) dicatur, si *peccaverit in te frater tuus*, non rectè sequitur, præceptum loqui solum de casu, quo *injuria corridenti facta est*. Contrarium enim constat ex fine, qui est *émendatio proximi*, obtinenda saltem vigilantiæ Ecclesiæ, tanquam pie matris, ubi non juvant mitiora; hæc autem necessitas est non tantum, ubi peccatur in fratrem, seu proximum; sed etiam cum proximus est in gravi periculo salutis ex delictis etiam non contra tertium. Et ideo illud: *si peccaverit in te, rectius communiter exponitur, si peccaverit te scientie.*

²¹⁸ Quæres 3. an possit quis cedere juri suo, quod habet, ut denuntiari non possit, non præmissâ correctione fraternâ? Loquimur de illis casibus, ubi ceteroquin urget præceptum naturale, ac divinum, defectum proximi non denuntiandi Superiori, vel tanquam Patri, vel tanquam Judici, non præmissâ correctione fraternâ. Nam hanc non esse in quovis casu denuntiationi, ex præcepto etiam naturali, præmittandam, dicemus in seq. quo prænotato: ad quæstionem propositam negativè respondet Philiarchus, & Lorca apud Escobar cit. n. 331. quia præceptum non tantum attenit bonum famæ proximi, sed maximè etiam charitatis, & correctionis, ut quam optimè fiat, cum conservatione pacis, & quietis, ac evitazione rixarum, quæ oriri possunt, ex occultorum defectuum manifestatione. Huic autem juri nemo priuatus cedere potest.

²¹⁹ Sed affirmativa omnino tenenda est; ita Sanchez l. 6. dec. c. 18. Castropol. p. 1. tr. 6. D. 3. p. 9. n. 2. Petrus Ledesma, & alii cum Escob. n. 333. Ratio est 1. quia si subditus propriam culpam suo Prælato aperiret, laudabiliter ageret; ergo etiam laudabiliter aget, qui id facit de ejus consensu. 2. si subditus aliunde famam perdidisset apud Prælatum, alius id sciens posset ejus delictum, in simili materia commissum, aperire Superiori sine occulta correctione prævia; ergo etiam potest, si subditus famam suam nolit conservari apud Superior-

rem, sed alteri det facultatem, ut Superiori peccatum manifestet. 3. licet ex poenitentia voluntate, illius delicta ex recto fine manifestentur, quæ accepta sunt in confessione, tamen salvatur, seu non læditur finis præcepti de sigillo, qui est non tantum conservatio famæ proximi, sed etiam facilitas sacramenti, & rectus illius usus; ergo etiam licet ex subditi voluntate illius delicta, extra confessionem accepta, manifestentur Superiori, tamen non læditur finis præcepti de correctione fraterna, esto sit conservatio famæ proximi, & bonum ipsius correctionis.

Confirmatur; quia hæc cessio de facto fit in Societate JESU ex ejus constitutionibus, quas non licet ullo disputandi, vel ullo indagandæ veritatis quæsita colore directè, vel indirectè impugnare; tum quia à Paulo III. & Julio III. totum Societatis institutum fuit approbatum, & confirmatum, & in eo omnes constitutiones, præfertim, quæ contradictionem patiebantur; tum quia Gregorius XIII. in bulla, quæ incipit, *Ascidente Domino* sub excommunicatione prohibet, hanc Instituti impugnationem, & cujusvis constitutionis; tum quia idem Gregorius damnavit libellum cujusdam, qui hanc constitutionem de cessione juris impugnavit.

Et hoc colliges omnino ex præcepto ²²⁰ esse servandum hunc correctionis ordinem, nisi corrigendus liberè cedat juri suo. Ubi verò cedit, deferentem subditi culpam ad Superiorum non peccare, esto correctionem occultam non præmittat, modo id non faciat ex alio fine, quam in ordine ad quem illa cessio fit. Notandum tamen haud quam tum aliquem conservandæ famæ cedere, cum certum non est, per Prælatum ita bene obtineri finem correctionis, ac emendationis, ac per inferiorem: ut notat Castropolus cit. p. 1. n. 9. Idem, si dubium sit, censet Escob. cit. n. 333. cum Sanch. l. 6. dec. c. 18. n. 47. Unde in his delationibus cautissimum esse decet, ne fiant ex passione; ut certitudo, saltem moralis, habeatur de confessione finis potius obtainenda per Prælatum, quam occultam correctionem per inferiorem; id quod regulariter rectius fit, per Superiorum, Dei vices gerentem, præfertim, cum subditus non erret, sequendo dictum Superioris, ubi non est manifestè peccatum.

Ad rationem contrariam ²²¹ ex recto ²²²

F

usu

usu juris, quod quis obtinet ex tali cessione ad denuntiandum Superiori ut Patri delictum subditi, nec laedi charitatem, nec rixarum nasci occasionem; cum finis directè quesitus in tali denuntiatione nihil omnino importet aliud, quam bonum ejus, ut reducatur in viam rectam à paterna directione, ubi declinaverit in semitas pravas, ab iis ad aliam non æquè bene avocandus.

223 Quæres 4. An quodlibet peccatum proximi, quantumvis occultum, omissa correctione secrètā possit charitatè denuntiari ad Prælatum? Supponimus in hac quæstione 1. casum, quo speratur peccantem melius corrigendum per Superiorē, ac per occultam correctionem; deinde quæstionem fieri de peccato proximi, aliunde, quam in foro sacramenti pœnitentia cognito. 3. de denuntiatione, solum ex fine debito, ut jam præmissum est. 4. ubi necessitas proximi exigens eam denuntiationem præponderat iactura famæ apud Superiorē, quo posito. 1. in dato casu licere talem denuntiationem, supposita cessione juris; quia potest alius ex subditi voluntate licet facere, quod ipse licet facturus erat per se; his præmissis:

224 Dubitatur 1. an licita sit *quoniam eos*, qui in hoc juri famæ non cesserunt? Negativam tenet Porca, Petr. Ledesma, Navarrus, & Petr. Navarra apud Eſcobar dub. 54. n. 335, quia sic est laesio famæ; affirmant autem (si fiat Superiori, ut Patri) Suar. de Char. D. 8. f. 6. n. 17. & tom. 4. de Relig. I. 10. c. 9. & 10. Caſtropal. p. 1. tr. 6. D. 3. p. 10. n. 3. 1. in iis, qui magis sui juris sunt, quam Religiosi, non licere, quia non potest præsumi, illos sic melius esse corrigitos; excipe nisi certò major fructus speretur; in hoc enim posteriori casu, non censeretur subditus rationabiliter invitus, ad majorem animæ fructum, si adsit secutitas in aliis non nocitrum; sic Eſcobar n. 337. In Religiosis vero, qui non ita sunt sui juris, amplectitur Eſcobar sententiam affirmativam. Ego tamen puto (non supposita cessione juris) non licere etiam in illis, nisi sub priori limitatione. Quia revera maximum periculum est, plurimorum malorum, seclusis illis limitationibus, ut patet consideranti varios eventus ex ejusmodi delationibus.

225 Dubitatur 2. an immediatus Superior graviter peccet, qui mediato Superiori appetit delictum grave sui subditi, quod ipse sine

tali manifestatione corrigerere potest? si accipit ex denuntiatione sibi facta ut Patri? non peccare graviter censet probabile Eſcobar n. 341. quia revelare delictum proximi etiam grave uni, vel duobus viris gravibus, qui magis prodesse, quam obesse possint, esto fiat ex levitate, vel loquacitate, non est grave peccatum, juxta probabilem sententiam, de qua alibi: ergo à fortiori licebit, si id fiat ex recto fine. Hoc etiam probabile censet Caſtropal. cit. p. 11. n. 7. sic illi. Coeterum judico probabilius, non posse id fieri sine gravi peccato; quia talis manifestatio delicti, & amissio famæ non habet paternæ delationis finem, qui est lucrum fratris, cum absque illa Superior immediatus eum possit lucrari. Sic etiam censet Eſcob. Caſtropal. ac Mendo in statu opin. benig. diſſert. 1. q. 16. Unde ad rationem sententia opposita, judico etiam in antecedenti tenendum oppositum seclusa necessitate ad finem denuntiationis, ut bene probar, esto non decernat, Mendo cit. n. 196. Nam tale delictum manifestare alii, præterim viris gravibus, graviter minuit famam alterius; ergo ubi bonum proximi fine hoc obtineri potest, injustè in materia gravi laeditur.

Dices, in Societate JESU, Superior immediatus, mediato licet aperit defectum subditi ad se delatum; ergo id ex se illicitum non est. ant. pat. Nam in Congreg. 6. decret. 33. dicitur: *poteſt etiam unus Superior dicere rem ſic delatam, & noram, alteri Superiori ejusdem delati.* 1. à Societate, in qua est cesso juris famæ, non fieri argumentum ad alios status, in quibus non est talis cesso. 2. in eodem decreto apponi conditionem hanc: *quando res ita poſulaverit, ad finem paterna delationis;* sed in dato casu id non contingit: ergo; & ideo etiam in eadem Congr. 6. decret. 6. & de manifestatione delicti c. 15. p. 2. in Ordinat. Gener. dicitur: *sine urgenti neceſſitate, & magna utilitate, nemini esse crimen delati revelandum.*

Præterea not. 1. quando peccatum est 227 *publicum*, sive cedat, sive non cedat in damnum aliorum, posse denuntiari absque correctione prævia; nam cum eo casu laesa sit Res publica propter scandalum, & malum exemplum, in delinquente etiam emendato remaneat obligatio ad satisfactiōnem publicam, ad quam ordinatur denuntiatio; ergo non sufficit sola correctio ſecreta

creta, sic Navarra l. 2. de restitut. c. 4. n. 177. sed hoc limita. 1. ut non procedat, nisi peccatum sit ita *publicum* notorietate facti, ut nullâ tergiversatione celari possit; secùs enim, esto sit probabile, & aliquâ laboret infamia, non est eo ipso necessariò denuntiandum, si privatâ correctione satisfieri possit illi scandalo; ita Sanch. l. 6. consil. c. 2. d. 5. n. 2. Limita 2. ut non procedat in casu, quo nondum adest præceptum Superioris, ut denuntietur; ac speratur alia viâ rectior correctio proximi etiam ad satisfactionem publico debitam, ratione scandali. Nam tali casu cessat finis denuntiationis, qui est vel emendatio proximi, vel satisfactio publica minori damno famæ procurata.

228 Not. 2. si crimen sit *secrenum*, & contra bonum publicum (prout foret in casu proditionis, infectionis hæreticæ &c.) statim posse denuntiari omisâ monitione, vel correctione secretâ, nisi denuntiaturus certissimè nosset omne malum impendens monitione, vel correctione secretâ, efficaciter impediri. Nam in tali casu propter maximum periculum boni publici, bonum famæ privatorum, bono communî præferrendum est; sed quia vix sperari potest hic effectus ex sola monitione, vel correctione secreta, regulariter id non credendum est; ita communis cum Sanch. cit. n. 5. consequenter denuntiandum crimen.

229 Not. 3. inter crimina, quæ dicuntur *occulta*, distinguendum esse; nam quædam sunt *omnino occulta*, & *improbabilia*; quædam autem *occulta*, sed tamen *probabilia*. Quando crimen sic est *occultum*, ut tamen sit *probabile*, censet Sanchez cit. n. 8. posse denuntiari Judici, ut *Judicij*, ut puniat; sed circa hoc vide dicenda à n. 234. Quando autem est *omnino occultum*, censet esse denuntiandum solum ei, qui potest prodesse, non obesse; consequenter Judici solum *ut Patri*, qui remedium adhibeat, colligens id ex D. Augustino relato in c. *Hoc videtur* 2. q. 5. limitans tamen ad solum casum, quo sic fieri posset remedium; secùs judicat cum Soto l. 5. de Just. q. 6. a. 2. posse denuntiari Judici, quâ *tali*, addendo simul, se id probare non posse, sed ipsius esse, ex officio providere, & inquirere, dum crimen nocet bono communî; si autem persona privatæ, posse aperire huic, & hanc judici, ut judici. In hac porro materia videtur merito distinguendum tam inter crimen omnino occul-

tum, & improbabile, quâm non probabile, quod nocet soli peccanti; & id quod nocet etiâ alteri. Nam hâc distinctione positâ non academ de utroque sententia dari aut potest, aut debet, ut patebit infra à n. 234.

Dubitatur 3. an denuntiatio charita- 230 tiva licet de delicto jam emendato? Quæstio est, an si proximus de delicto jam sit omnino emendatus possit Prælato, *ut Patri*, adhuc illud deferi, ut delinquens hac ratione securior existat à recidiva? affirmant Richard. Gabr. Rosella, & alii apud Escob. dub. 57. n. 346. nimirum, ut pericula, & occasionses relabendi tollantur: negant Sotus, Sà, Valentia, Sanch. l. 6. dec. c. 18. n. 49. quia si bonum famæ posset alicui auferri ob solam majorem securitatem, ne relabatur; possent etiam auferri alia bona temporalia, ut securior sit ab abusu: hoc non licet; ergo nec illud. Deinde subditi plurimi faciunt famam suam apud Prælatum, & ægrius ferunt apud illum infamari propter dependentiam ab illo, quâm apud socios: ergo ob solam illam securitatem non licet, sic illi.

R. si certò constet, fratrem esse emen- 231 datum, nec adsit probabile periculum relabendi, non posse aperiri Superiori, sine subditi consensu, secluso alio malo, quod ex priori facto redundaret in tertium; hoc suadet ratio allata pro sententia negante; sic Escob. cit. n. 348. & complures apud P. Mendo in statera, dissert. 1. q. 17. n. 197. id etiam intelligentes de Societate JESU; quorum sententiam vocat Mendo n. 200. verissimam; hinc n. 205. addit, nec per cessionem famæ, in regulis expressam, ullo modo intelligi *crimen occultum*, jam emendatum, sine periculo relapsus; finis enim cessionis, ait Mendo, non est quomodounque humilitas &c. sed ut conjuncta cum fine cessionis, qui est *spiritualis profectus in correctione à Superiori prestanda consistens*; hic autem finis cessat in dato casu; ergo; sic ille. Huic addit, quod Religiosi Societatis, qui juri famæ cesserunt ad finem denuntiationis paternæ, in ordine ad hoc se habeant, sicut alii, qui juri famæ non cesserunt.

R. 2. cessionem famæ, quæ sit in ali- 232 qua religione ad paternam denuntiationem, non extendi ad hunc casum. Unde nec in Societate licet denuntiare subditum Superiori *ut Patri*, si certò constet, esse correctum, nec probabile esse periculum relapsus, & absit malum tertio, quod aliter

emendari non posse. Suaderur ex eadem ratione, & tenet Escobar loco cit. qui ait, eo casu cessare finem, ob quem quis consensit, delicta sua superioribus deferri per quemvis, qui extra confessionem accepit. Hinc addit Mendo cit. n. 206. in Societate eam esse praxin, ut culpe occultæ, jam emendatae, non propalentur Superiori, quod omnino firmum, sanctumque esse debet, & oppositum omnino illicitum, & contra iustitiam, severè puniri; sic ille, num. autem 208. ait, si dubites, an emendatio facta sit? adhuc non posse deferri Superiori, nisi delictum sit in damnum tertii, vel communis.

233. q. 3. si proximus periculum probabile subeat relabendi, nisi peccatum ejus antecedens Superiori manifestetur, manifestari debere, nisi minori damno famæ impediri possit. Tunc enim id exigit spirituale bonum proximi. Vocatur autem *probabile periculum*, quando proximus ita occasionibus est innodatus peccandi, ut (moraliter loquendo) judicetur casurus, nisi ab illis divertatur, ut bene exponit Escob. loc. cit. Nam de alio periculo *remoto* non est curandum, cum omnibus ex naturæ fragilitate tale insit. Ad quæstionem autem, quando proximus censetur emendatus? respondet Mendo cit. n. 207. id variis modis cognosci. 1. si post delictum, scis confessum, sacrâque synaxi refectum. 2. si poenitens ipse significet, se ex animo poenitere. 3. si occasio culpe nequit moraliter iterari, aut adeo rata est, quæ timeri prudenter non debeat &c.

234. Dubitatur 4. an denuntiatio criminis *occulti*, sed solum peccanti nocentis, licita sit pratermissa monitione, vel correctione fraternali? Cum ex dictis constet, denuntiationem delicti alieni (ubi ex obligatione facienda est, aut ubi ad certum finem denuntiatio paterna licite fieri potest) nihilominus fieri debere, quanto minori famæ damno fieri potest, non tantum in casu, quo crimen est omnino occultum, & improbabile; sed etiam occultum, & probabile, quando crimen est in damnum solius peccantis, ac emendatio ejus inter te, & ipsum obtineri non potest monitione secretâ, rectè infertur denuntiationi præmittendam esse unius, vel alterius tuis præsentiam. Ratio est, quia tunc præceptum naturale subintrat, & ordo Evangelicus; ut prius, quam denuntietur proximus, fiat mo-

nito coram uno, vel duabus testibus. Nam alias tali casu (crimen denuntiando superiori, ut Patri) non fieret, quanto minori damno famæ potest. Ex hoc sequitur, quamdiu per monitionem secretam obtineri potest emendatio proximi, ad paternam denuntiationem non procedi posse, quando crimen est omnino occultum, soli peccanti noxiū; ita Sanch. cit. d. 6. n. 1. dixi, quando est *soli peccanti noxiū*; nam si tertio noceat, quid agendum, ex dictis constat, & patebit etiam ex dicendis infra. Dixi secundò, si per monitionem secretam emendatio potest obtineri, nimis juxta dicta supr. ut non pendeat in futurum.

Potissima quæstio est, an crimen omni- 235 no occultum, quod in nullius, nisi peccantis damnum cedit ex *obligatione* denuntian- dum sit Superiori ut Patri in casu, quo non juvat secreta monitio ejus, qui solus novit. Variæ sunt Doctorum opiniones, quæ videri possunt apud Sanch. cit. l. 6. c. 2. d. 6. à n. 4. Sed q. ad quæstionem, si nec per monitionem secretam, nec per adhibitiō- nem testium, sed per solam denuntiatio- nem juvari potest proximus, debere denun- tiari Superiori, ut Patri, crimen, quo laber- rat proximus, quantumcunque sit occul- tum, & in solius peccantis damnum. Nam proximo graviter periclitanti, præterim in negotio salutis, iure naturali tenemur subvenire, modo, quo possumus, præterim nobis non valde oneroso; id enim ha- bet præceptum Christi, de quo n. 212. Hinc, si malum ejus averti potest solā monitione secretâ intra te, & ipsum, nec adhibitio te- stium fieri potest licet; si autem hæc aver- teret efficaciter ejus malum nec denuntiatio fieri potest. Nam hic locum haber præcep- tum naturale, de facienda delicti denun- tiatione, quanto minori damno famæ pot- est. Si autem neutrum juvaret, denuntia- tio omnino fieri debet, ex præcepto Chri- sti: *dic Ecclesia.* Ita D. Thom. 22. q. 33. a. 8. Sanch. cit. D. 6. n. 8. & plures alii.

Ex dictis colliges. 1. quando crimen est 236 omnino occultum, nec in damnum alte- riū (ubi nulla spes est emendationis obti- nenda); nec monitionem secretam, nec testes, nec denuntiationem paternam licet adhiberi. Sic D. Thom. cit. Sylvester. V. *correc- tio*. q. 5. & complures alii. Ratio est, quia tunc cessaret finis monitionis, testium, ac denuntiationis, & licet adhiberentur, frustra fierent cum damno famæ alienæ, nul-

lo jure exigit in talibus circumstantiis.
237 Colliges 2. idem dicendum in casu
criminis occulti, & probabilis, ubi nulla
spes est emendationis, si non vergat in da-
mnum alterius. Nam in tali casu proce-
dendum foret solum per denuntiationem
Evangelicam, seu charitativam (cum po-
natur delictum occultum, nec alteri noxi-
um,) ergo cum casus ponat non esse spem,
finem hujus denuntiationis obtinendi, ad-
hiberi non debet. Dixi autem si non sit spes
emendationis. Nam esto forsitan sola moni-
tione secreta, etiam sepius facta, proximus
non emendetur; sperari poterit, si co-
ram uno, vel altero teste (metu ne inno-
tecat:) & licet forsitan nec in hoc casu corre-
ctio sequatur; si tamen per Superiorum, si
ei denuntiatur, speretur fore medelam, v.g.
subtractione occasionum, vel alii mediis,
denuntiandum erit.

238 Dubitatur 5. quibus casibus obligat
praeceptum correctionis fraternalis? 240 1. nec
monitionem illam, nec denuntiationem
esse ex praecepto debitam, ab eo, qui non
est moraliter certus de delicto proximi; ita Th.
Sanch. l. 6. Consil. c. 2. D. 1. n. 3. Quia li-
cet forte sit obligatio misericordiae corpora-
lis, etiam in casu, quo probabiliter, seu
prudenter dubito, num proximus indiget
eleemosynam corporali? ut docent aliqui;
quia tamen, ejus omissione corporibus non
nocetur positivè, sicut in spiritualibus, aut
bonis animi nocetur proximo, si leviter, ac
temere judicetur esse in peccato: ideo, ubi
per oppositam certitudinem deponi non
potest haec dubitatio, de delicto, talem,
etiam occultè, monere, aut corrigere, vel
denuntiare citra charitatem, & forsitan etiam
iustitiae lesionem, licere non potest. Ex
hoc recte infert Sanch. cit. n. 4. non teneri
ad monitionem occultam, vel correctio-
nem, qui novit delictum proximi solum
per auditum, rumorem, vel signa dubia,
nisi circumstantiae, ex conditione persona-
rum, & conjectura, quæ delicti commis-
sione faciunt valde probabilem, ut pru-
denti dubio locus non sit, aliud suadeant;
præsertim si prudenter credi potest, ei, de
eius monitione dubitatur, gratum, ac fa-
lubre futurum, si ei, de se talem rumor me-
sse, ex sincero animo detegatur, citra periculum
fusurrationis.

239 2. nec esse debitam ejusmodi mo-
nitionem occultam in casu, quo deficit op-
portunitas temporis. Sic vele hominem,

injuria recenti affectum, sedare, importu-
ni temporis est. Nam juxta S. August. i.
de civit. Dei c. 9. qui correctionem differt quia
tempus magis opportunum sperato fructus ex-
spectat, rectè agit; quod tamen intellige. 1.
si talis dilatio faciat spem reductionis melio-
ris alio tempore 2. nisi malum exigeret præ-
sens remedium, præsertim, ubi conjunctum
habet periculum, pendens in futurum.

240 3. ubi sunt plures, qui proximo
prodeste possunt ejusmodi monitione, vel
correctione; cum non teneri, qui minus
commodè, quam alii, id præstare potest,
qualiter contingit in eleemosyna corporali,
quæ solum tunc determinate obligat, cum
alii, qui æque debent, ac melius possunt,
deficiunt. 241 4. peccatum proximi, et
iam mortale, jam omnino præteritum, nec
pendens in futurum, ita scilicet, ut nec ma-
neat in pertinacia, nec in periculo relapsus,
non esse materiam necessariam correctionis
fraternæ; quia cessante fine, cessat necessi-
tas medii; cum ergo finis correctionis sit,
fratris emendatio; ubi jam omnino emenda-
tus est, non est necessario. sic gloss. in c. 6
peccaverit. 2. q. 1. Sylvest. V. denuntiatio q.
1. & alii.

Cum autem ex dictis constet, jure na- 241
turali prohibitum esse, procedere ad denun-
tiationem, etiam charitativam eorum, qui
non cesserunt juri famæ, si per monitionem
secretam, vel inter monentem, & Reum
tantum, vel si opus fuerit, adhibito uno,
vel altero teste, illorum emendatio, seu cor-
rectio, sperari possit, quando crimen est
occultum, & non nocet alteri, pauca di-
ctis sequentia opportune superaddi visum
est. quare not. 1. cum finis dictæ denuntia-
tionis Evangelicæ, seu charitativæ sit emen-
datio proximi, quæ obtinetur per ejus frater-
nam correctionem; per hanc intelligi
quemcunque sermonem, quo quis vel mo-
nendo, vel reprehendendo, vel hortando &c. inititur proximum revocare à pecca-
to. Hinc licet promiscue sumatur correptio,
& correctio: tamen correctio est finis, corre-
ptio autem via, seu medium ad eam, nisi
velis dicere, correctionem esse Superioris ad
subditum; correptionem fratris ad fratrem.
Sic Filiuciust. 2. tr. 28. c. 5. n. 111.

Notandum 2. quando dicimus, ut ob- 242
liget præceptum correctionis fraternalis, re-
quiri, quod proximus sit in gravi necessi-
tate spirituali; intellige, ut graviter obliget;
præter hoc etiam intelligitur talis necessitas,

qua^x tuam requirit actionem, ut si non esset
alius, qui commode id præstaret; nec vi-
deretur differenda occasio. Sic Fillius cit.
n. 116. cum Navarr. c. 24. n. 12.

²⁴³ Not. 3. cùm diximus, requiri cogni-
tionem certam de proximi delicto, ad hoc,
ut præceptum obliget ad ejus correptionem,
debere intelligi 1. certam moraliter
in his, qui non sunt Superioris. Ut autem
Superior possit, & vi officii debeat (cum debita
tamen cautela famæ) inquirere delicta
proximi, videtur sufficere cognitione proba-
bilis, imò ut putat Fillius c. 7. n. 132. du-
bia saltem positivè, seu prudens ratio sua-
dens necessitatem talis actus.

²⁴⁴ Not. 4. dictam obligationem debere
intelligi sub conditione sic, ut non habeat
locum, si maius malum timeretur, quam
sit bonum, quod per eam speretur. Fillius
n. 136. si petas, an licet differre correptionem
cā intentione, ut proximus, commis-
sione multorum peccatorum, serventius
resipiscat? affirmat Fillius n. 139. si non
sit spes, aliter veræ emendationis; sic e-
nim solum permittimus, ut proximus (qui
aliunde non surget) non resurgat; quod
non est peccatum.

²⁴⁵ Not. 5. tres communiter casus (præ-
ter ea, qua^x diximus in præmissis) assignari, in
quibus, sciens delictum proximi, non tene-
tur ordinem fraternalis correctionis denun-
tiationi premittere. 1. quando peccatum
est publicum; sic enim amissa jam est fama;
ordo autem præscribitur, ne fiat jactura fa-
mae. 2. quando peccatum vergit in damnum
communitatis, periculum est in mora, &
spes non est, malum impediri posse privatâ
monitione. Hic enim prævalet bonum
commune. 3. quando peccatum, licet oc-
cultum, vergit in maius malum aliquius
tertii; vel aliquorum, ac sic jactura famæ
qualiscunque proximi apud Superiorē; ut
si quis alteri machinaretur mortem (intelli-
ge nisi possit impediri secretâ monitione:)
tunc enim fama lœsoris præponenda est vita
lædendi. Sic Valentia, & alii cum Filliuc
loco cit. n. 149.

²⁴⁶ Not. 6. cùm dixerimus in correptione
proximi tres esse gradus; primum sicut in
monitione secreta; secundum in induc-
tione testium: tertium in manifestacione cri-
minis ad Superiorē: quāsi posse, an qua-
ndo venitur ad hunc tertium gradum, hæc
manifestatio facienda sit Superiori, ut Patri,
vel ut Judici? R. tunc faciendam ut Judici,

quando id exigit commune bonum in cir-
cumstantiis, in quibus major ejus ratio ha-
benda est, quam privati, supposito, quod
non possit idem finis obtineri per denun-
tiationem paternam. Nam si postea per hanc,
ista præferenda foret denuntiationi judiciali;
cum correctio fieri debeat, quanto potest
minore damno famæ. Hinc etiam ex no-
titia, quam Superior accepit, ut Pater,
non potest denuntiatum punire juridicè, sed
paternè.

Si queras, quando licet Prælato viā ²⁴⁷
judiciali procedere, adversus subditum de-
nuntiatum, supposito, quod crimen proba-
ri possit juridice pér duos, veltres testes, aut
super eo judicialiter inquire? Prima sen-
tentia est Soti apud Fillius n. 163. negan-
tis, posse per Prælatum puniri subditum
penis juris, si fraternè dentuntiatus, pro-
ponat se corrigerē; secūs si sit incorrigibili-
lis. Secunda est Cajetani ibidem affirman-
tis; licere illum punire penis juris, si spes
sit fructus. Tertia & probabilior, est Ban-
nez ibidem, quam exponit per duo capita.
Primum est, quod, quando licet procedere
viā judiciali propter exemplum aliorum, &
bonum commune non interveniente corre-
ptione fraternali, licet etiam eā interveni-
ente. Nam charitas non præjudicat justi-
tia; ergo si actio justitiae (scilicet proces-
sus judicialis) est licita non interveniente a-
ctione charitatis, etiam erit licita eā inter-
veniente. Secundum caput est, quod in duo-
bus casibus id, quod in priori dictum est,
non modò sit licitum, sed etiam debitum.
Ex his primus est, quando oportet cri-
men juridicè denuntiare, aut de illo inquirere.
Secundus est, cùm spes foret obti-
nendi emendationem per processum judi-
cialem. Tunc enim charitas justitiae impe-
rat ejusmodi processum judicialem, cùm
spes est, per eum obtinendi emendationem.
Hanc tertiam sententiam etiam Fillius cit.
n. 164. judicat probabiliorem.

Dubitatur. 6. quid dicendum de de- ²⁴⁸
nuntiatione judiciali? Ante responsionem
advertisendum, denuntiationem *judiciale* m
dici, quā sit Superiori, ut Judicis; si fiat ab
officialibus, ad hoc auctoritate publicâ con-
stitutis, & extra ea Iudex contra denuntiatum
procedat, crimine deducto ad Judicium,
est denuntiatio *judiciale* *publica*, dici-
turque *generalis*; si autem ad denuntiatio-
nem *privati*, erit *specialis*. Utraque dividi-
tur in *criminalem*, si fiat ex fine vindictæ
publicæ.

publica, ac ad punitionem aliis in exemplum; & *civilem*, si solum tendat ad præstandam parti læse satisfactionem. V. Azor p. 3. l. 13. c. 21. Layman l. 3. tr. 6. p. 2. c. 4. &c. quibus positis:

249 Rg. 1. quando quis denuntiatur denuntiatione publica, posse judicem in foro seculari procedere ex officio contra denuntiatum ab officialibus ad hoc auctoritate publica deputatis. L. Ea. 7. C. de accusat. Hoc extendit Clarus q. 7. n. 2. de consuetudine ad ejusmodi denuntiationem, etiam factam à privato, ex fine sui interesse, quando agere, vel accusare non potest: jure autem Canonico Judicem Ecclesiasticum solum in certis casibus admittere posse denuntiationem judiciale. Casus autem prædicti sunt 1. si Clerici, vel Regulares conquerantur de injustis oppressionibus suorum Prælatorum 2. si Laicus denuntietur de crimen pertinente ad Judicem Ecclesiasticum, ut est hæresis, simonia &c. 3. ob defectum ministratæ justitiae in foro seculari, vel quia in eo foro crimen non auditur; vel quia Juxta Laicus est negligens; vel quia potestas judiciorum vacat; vel quia in eo foro non datur actio, aut repetitio, v.g. ex pacto nudo. 4. ratione pacis violata, vel juramenti non servati à Laicis, arg. c. novit. 13. de Judiciis. 5. si persona, qua denuntiationem proponit, sit miserabilis. 6. si causa sit spiritualis, & Ecclesiastica, vel ei annexa, ut si agitur de matrimonio contrahendo, vel dissolvento, vel de Jure Patronatus &c. sic Azor loco cit.

250 Rg. 2. in foro seculari non prærequisit secretam monitionem denuntiandi judicialiter, sive hæc denuntiatio sit publica, sive privata. Abbas in cit. c. novit. 48. de Judic. Jure autem canonico, ad minimum prærequisit binam admonitionem privatam ante judiciale denuntiationem specialem. c. si quis 2. h. t. ibi: postquam ipse ab eis charitatib[us] conventus fuerit; quod procedit faltem, si sit privata. Quid autem observandum in judiciali denuntiatione Episcoporum, traditur in Trid. Sess. 13. de Reform. c. 6.

251 Dices in cit. c. 2. non agi de *denuntiatione*, sed *accusatione*, ut patet ex textu ibi: si quis ab illis accusatoribus, qui recipiendi sunt, fuerit accusatus; sed in accusatione nulla prærequiritur monitio charitativa per c. Licet, & c. Veniens, h. t. *admonitio* enim solum requiritur ad *denuntiationem evangelicam*, quæ ad poenitentiam, & emendatio-

nem dirigitur, juxta c. novit 13. de Judic. & c. qualiter 24. eod. ibi: *denuntiationem charitativa monitio*; cum econtra in accusatione ad vindictam publicam agatur, à qua Reus per poenitentiam & emendationem non liberetur, ut habetur L. Qui ea, 67. §. nemo. ff. de furt. ergo ex cit. c. 2. non recte probatur necessaria monitio ante inquisitionem Judiciale, etiam pri- varum.

Quidam dicunt Pontificem in cit. c. 2. 252 agere de accusatione, per quam Episcopus impetrabatur, qui acculari non potest, nisi præmissâ monitione, ut vult Abbas in c. Licet. 14. & c. Veniens. 15. h. t. n. penult. Alii dicunt accusationem in hoc textu accipi pro denuntiatione; sic gloss. in cit. c. 2. & c. Licet Heli. hanc tamen expositionem rejecit Gonzalez in cit. c. 2. n. 4. tum quod expresse repugnat verbis textus; tum quia ea verba (*causam emendet, & eam corrige[n]deret*) satis ostendunt Pontificem agere de accusatione, per quam Episcopus impetrabatur, *quia damnum datum accusatori non emendabat, partique lae[re] non satisfaciebat*:

& ideo docet, textum procedere de *accusatione civili*, facta à subditis Episcopi ad faciliendum pro injuria privatis data, ut innuant verba supr. allata, ubi atrem per accusationem civiliter proceditur, necessarium esse, ut præcedat monitio, seu interpellatio extrajudicialis. 2. q. 7. c. scnt. 46. Verum, rectius videtur communis expostio, dicentium *accusationem* in textu sumi pro *denuntiatione*, quæ tendit ad emendationem denuntiati, quā obtentā satisfiat subditis. Textus enim (per verba *causam emendet*) non loquitur de injuria, seu damno dato subditis *in ipsorum bonis*, ex quibus vult Gonzalez probari accusationem, prout contradistinctam à denuntiatione; sed solum de accusatione latè sumpta.

Rg. 3. non requiri, quod denuntians 253 etiam judicialiter, le inscribat ad poenam talionis subeundam, per c. super his. 16. h. t. ibi: quando crimen in modum denuntiationis oponitur, ad denuntiationem, non si inscriptio necessaria. Licet autem præquirat legitimam admonitionem, quia *ad correctionem est denuntiatio*, ut constat ex dictis; aliae tamen juris solemnitates, quæ requiruntur in libello accusatorio, etiam in denunciatione judiciali servandæ sunt, juxta Jul. Clar. §. fin. q. 7. n. 11.

Rg. 4. judiciale denuntiationem fieri 254 posse

posse per Procuratorem, ex c. *Cum dilectus*.
 20. h. t. & Abbat. ibidem n. 2. ibi: *quorum nomine sunt ejusmodi excessus nuntiati de Episcopo*, id, quod etiam procedit, licet denuntiatio sit de crimine, si non sit criminialis quæstio, prout constat ex c. *super his* 16. h. t. ibi: *licet enim sit de crimen, non est tamen quæstio criminalis*. Unde per Procuratorem potest rite tractari. Not. autem, cum quandoque contingat, quod Judex, vel Prælatus, verbo, vel edicto *præcipiat* denunciationem fieri, diversam esse rationem obligationis ad denuntiandum in hoc casu, ac ubi *non præcipit*; nam in isto casu est obligatio solum *charitatis*; in illo autem etiam *justitiae*. De obligatione charitatis ad denuntiandum, jam in præmissis actum est; nunc de illa, qua est ad mandatum Judicis & justitiae; Unde

255 Dubitatur 7. an delictum proximi *occultum* denuntiari debeat ad mandatum, seu edictum Judicis? R. Cum statim in principio hujus quæstionis occurrat dubium, an ejusmodi denunciationem, ex edicto Judicis debitam, præcedere debeat secreta monitio? distingueendum esse inter crima denuntianda, an delictum illud sit occultum? vel non? an *occultum*, & *improbabile*? an *occultum*, sed *probabile*? nimurum per duos, vel tres testes? Quid dicendum, quando crimen est omnino occultum, & improbabile, ac nulli nisi peccanti innocens? constat ex n. 235. si *occultum*, sed *probabile*? à n. 229. quid si cedat in *dannum Republicæ*, ex n. 228. si autem cedat in *dannum privati*, ex n. 236.

256 Quæstio nunc est 1. an quando peccatum omnino secretum, nec alteri nocens penderet in futurum, ubi non est spes emendationis per monitionem secretam, sit denuntiandum ad Judicis mandatum? R. esse denuntiandum, sed solum ut Patri. Sic Navarra l. 2. de restit. c. 4. n. 221. & alii cum Sanch. l. 6. consil. c. 2. D. 14. n. 5. Prob. nam cam solum denunciationem quis in tali casu facere tenetur, quam in re exigit mandatum; sed eo casu, quo Titius solum scit delictum proximi, & probare non potest, mandatum non exigit, ut Titius illud *juridice*, seu ut *Judici*, *denuntiet*, nimurum *cum obligatione probandi*; nam id, ut ponit casus non potest, cum omni probatione careret; ergo solum exigit, ut denuntiet *paternè*, seu, ut Patri.

257 Si dicas, in eo casu non exigi per edi-

ctum, seu mandatum, ut, qui scit delictum illud occultum, ac improbabile, denuntiet *juridice*, nimurum cum obligatione probandi, sed tantum, ut de illo deponat tanquam testimoni; ergo in tali casu tenetur parere edicto quoad hunc effectum. Sic Armilla V. *Correctio*. n. 7. & V. *Denuntiatio*. n. 2. &c. R. vel eo casu supponitur Judex *habere* sufficientia indicia, quæ æquivalent semiplena probationi, vel caret? si caret, probabilius est, non teneri dato casu ad testificandum, seu deponendum *judicialiter* de tali crimen, qui solus novit, si non sit officialis ad ejusmodi actum autoritate publicâ constitutus. Nam ad hoc *non tenetur ex officio*, ut ponit casus; *non ex charitate*; nam huic satisfit denuntiando paternè: *non ad avertendum damnum tertii*, quia contrarium supponitur in casu; si habet? jam delictum non est improbabile contra casum.

Ex hoc colliges, quod *non denuntiantur* 258 delictum in dato casu, non incurrat poenam, v. g. excommunicationem, in edicto latum, contra non denuntiantes, si omissat in dicto casu denunciationem. Quia poena, *non denuntiantibus*, in edicto imposita, supponit omissionem denunciationis juridicæ, nam (ut recte observat Sanch. cit. l. 6. Consil. c. 2. D. 14. n. 10.) Judex sive Ecclesiasticus, sive secularis, *jubens per edicta*, intendit juridicam notitiam delictorum; cum ergo is, qui solus novit delictum proximi omnino occultum, & improbabile, tales illi notitiam præstare non possit, ut jam ostensum est: non committit delictum in edicto penalí contra transgressores latum. Et ideo indefinitè docet Navarrus in summa c. 25. n. 46. neminem teneri denuntiare *ad edicta*, qui probare non potest; quod intellige ex lege *justitiae*, & *vi edicti*; secus est ex lege *charitatis*, sed eo tantum casu, quo tenetur eadem, etiam secluso edicto.

Quæstio est 2. quid dicendum, quando 259 delictum est publicum? R. si Prælatus, vel Judex vel particulariter, vel generaliter *præcipiat* denuntiari delicta publica, quæ scilicet notoria sunt, & famosa, omnino esse denuntianda, etiamsi non sint in *dannum aliorum*. Nam talj casu læditur *res publica*, cui Judex vel Prælatus ex officio consulere tenetur; consequenter tali casu legitimè *præcipit* ejusmodi criminum denuntiationem *judiciale*; ut per *viam accusationis* procedatur contra Reum. sic Armilla. V. Cor-

Correctio. n. 7. & V. Denuntiatio. n. 2. alii que.

260 Ex dictis colliges 1. quando peccatum, jam emendatum, non fuit publicum, nec habet effectum pendente, non esse judicialiter denuntiandum ex obligatione etiam ad edicta. Sic Navarra l. 2. de restit. c. 4. n. 116. Nam in ejusmodi edictis, pricipientibus denuntiationem delictorum, finis est peccatoris emendatio, vel satisfactio publica: in dato autem casu utrumque cessat. Nam emendatio jam prius posita est, ut ponit casus; & *satisfactio publica* solum debetur ex delicto publico, quod non est in praesenti: ergo.

261 Colliges 2. in his questionibus necessario distinguendum esse inter *viam accusationis*, vel *denuntiationis judicialis*, & *inquisitionis criminalis*; nam licet ad *accusandum*, vel *denuntiandum* crimen, sufficiat notitia criminis, ut probari possit per duos, vel tres testes; non tamen sufficit ad *inquirendum* criminaliter contra determinatam personam, ut constat ex n. 108. Et ideo si quis certus foret, Judicem processurum, *viam inquisitionis specialis* contra crimen denuntiatum, ut Patri, non teneretur quis, etiam ad edictum, denuntiare. Nam ubi Judici non licet per inquisitionem procedere; nec licet ad hunc finem delicti denuntiationem pricipere; at non praecedente infamia, non licet Judici per viam inquisitionis specialis procedere, ut supra ostensum est; ergo.

262 Colliges 3. cum dicimus, ad licitam denuntiationem requiri in denuntiante *notitiam criminis*, saltem moraliter certam, sufficere certitudinem habitam non tantum *ex visu*, sed etiam *ex auditu* fide dignorum, qui crimen certificaverunt. Nam notitia ex auditu potest facere fidem; eamque certam, quando ducit originem a fide dignis. Et ideo etiam in opinionum contrarietate circa questionem aliquam dubiam, *v.g. an super certo casu detur, vel non detur lex prohibens*, magnam vim habet *authoritas*, hoc est, sapientia, & veracitas stantium pro una parte determinata. Nam, qui fecit Virum aliquem in rebus recte cognoscendis apprimè studiosum, & in judicio ferendo, non modò non pricipitem, sed per quam consideratum, & cautum; nec aliter, quam sentiat in animo, externe sensa sua manifestantem, non temere, sed prudenter agit, in re incerta fidem illi adhibendo pro ca parte, pro qua scit stare judicium ejus,

Tom. V.

quamdiu pars opposita, & stans in contrarium, manet incerta.

De *authoritate* sic accepta agit Pereyra 263 in Elucidario sermonis Theologici, Canonic, & Civilis, l. 1. elucidat. 5. n. 91. dicens: multum consert ad opinionis probabilitatem authoritas; qua licet apud Canonicas quandoque non differat à jurisdictione c. In literis, de Offic. delegati; & interdum sit *authorizabilis consensus*, qui competit ex officio publico, vel ex legitima administracione, sicut sunt Tutores, & Curatores: in fusata tamen significatione extenditur etiam ad venerationem, eminentiam, seu dignitatem, quam sequimur, & cui cedere solemus. Ex hoc enim fit eorum sententiis nos cedere, qui eminere communiter estimantur in aliqua sententia, propter eorum in ea linea peritiam, & certitudinem in judicando, & afferendo.

Colliges 4. qui prudenter credit, propter suam denuntiationem Judicem plus debito commovendum contra Reum, non teneri eo casu ad denuntiationem. Nam, ubi finis justitiae exceditur à Judice cum damnō tertii, non obligatur quis ad actionem, unde creditur nasciturus ejusmodi excessus ute pote illicitus, & ideo etiam, quando certum est, quod Praelatus, vel Judge etiam denuntiato criminis, non faciet justitiam, nec adhibebit remedium, cessat obligatio denuntiandi; tum, quia cessat ejus finis; tum quia ad opus inutile non datur obligatio.

Ita Sylvest. V. *Correctio. q. 10.*

Ad extremum not. inter eum, qui respondet ad edicta *ut testis*, ac eum, qui *ut denunciator judicialis*, differentiam esse; nam hic tenetur probare; & si in probatione deficiat, subjicitur poena, respondens autem ut testis non tenetur probare, intellige, quando deponit, ut officialis publicus, ut notat Sanch. l. 6. consil. c. 2. D. 14. n. 6. Et colligitur ex c. *Plerumque. n. q. 7.* ibi: *plerumque boni viri propterea sufferunt aliena peccata, & tacent; quia sape deferuntur publicis documentis, quibus ea, qua ipsi sciunt, Judicibus probare non possunt. c. si tamum. 6. q. 2. ibi: Episcopus non proferat, quod probare non potest. & c. si sacerdos, de offic. ordinari, ibi. si sacerdos sciatis pro certo, aliquem esse reum aliquius criminis, vel si confessus fuerit, & emendare noluerit, nisi judicaris ordine quis probare possit, non debet eum arguere nominarim, sed indeterminatē.*